

phur vnd Mercurius, so widerumb auß denselben Elementen auff ein Metwes durch Kunst gemacht / viel besser würde seine Krafft exseriren vnd üben / darmit er könnte ohne End digeriren: Deñ es were nicht allein kein Zweifel in solcher operation, daß das Metall recht destruiert / sondern müste folgen / weil die vier Element / so nun gar simpel vnd recht gereiniget / vnd ferner nichts böses bey sich hätten / daß auß Noht ihre Krafft gestärcket vnd verbessert wordē / welches in dem schlechten Sulphure vñ Mercurio, darein wir die Metall reduciren / nicht seyn könnte: hättest derhalben einen Zweifel / als in der insufficientiâ præparationis, so sie schlecht zu Sulphur vnd Mercurium, vnd nit zuvor in die vier Element gebracht würden.

Darauff respondir vnd sag ich diß / daß solcher præparation vnd reduction in die vier Element / wir in vnserm Magisterio nit bedörffen / vnd ist auch vnmüglich / dißfalls die Natur zu verbessern.

Solutio objectionis, ab impossibili & absurdo.